

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXI. Probatur sacrificium Missæ, ex comparatione legis Christianæ ad
Mosaicam.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

C A P V T XXI.

Probatur sacrificium Missæ, ex comparatione le-
gis Christianæ ad Mosaicam.

ALTERA ratio principalis dicitur à collatione Ec-
clesiæ, & Synagogæ, siue legis nouæ, & veteris;
populi Christiani, & Iudaici. Est autem hæc ra-
tio; In populo Iudaico fuerunt sacrificia propriæ
dicta; ergo & in populo Christiano esse debent.

Probatur consequentia; nam antecedens extra controuer-
siam est. PRIMO, Christus non omnino sustulit ea, quæ Deus
in veteri lege instituerat; nec enim contrarius erat Patri suo,
aut sibi ipsi; sed aut perfecit, aut mutauit in meliora; vt patet
in præceptis, & Sacramentis. Nam præcepta non sustulit, sed
explicuit, Matth. 5. & consilia addidit, quæ ad præceptorum
perfectam obseruationem conducunt. Par ratione Sacra-
menta Circumcisionis, Agni Paschalis, & similia non sustulit, sed
mutauit in alia verè, & propriè dicta Sacraenta, sed vt Au-
gustinus dicit epist. 118. pauciora, faciliora, & præstantiora: er-
go eodem modo sacrificia non debuit omnino tollere de me-
dio, sed mutare.

SECUNDO, sacrificium est summus cultus, qui Deo tribui-
possit. Nam sine controuersia res verbis præstant; & inter res,
facie prophanis; & inter sacras, publicæ priuatis; & inter pu-
blicas eæ, quarum ipsa substantia in Dei honorem consumi-
tur, quæm eæ, quarum solus vsus. Tale autem est sacrificium
propriè dictum, vt notum est. Quare si hoc genus cultus fuisset
in veteri lege, & non in noua; fuisset Deus in veteri lege
longè maiori honore affectus, quæm in noua: & pinde Chri-
stus Patris sui, non gloriam, vt dicebat, sed ignominiam pro-
curasset.

TERTIO, caussæ cur populus Hebræorum sacrificia exter-
na, & propriè dicta habuerit, omnes inueniūtur etiam in po-
pulo Christiano. Habuerunt illi sacrificia externa, & visibilia,
populus erant externus, & visibilis, nempe non ex
solo spiritu, sed carne, & spiritu constans. At populus etiam
Christianus externus, & visibilis est, & carne ac spiritu cōstat.
Habuerunt illi sacrificia, vt Christi mortem, quæ est vnicum
precium, & vnica salus nostra, sæpe repræsentarent, & com-
memora-

memorarent, cum eam praesentem intueri non possent. Nos etiam Christi mortem praesentem intueri nequimus; ergo egemus sacrificio, quo sacrificium illud crucis iugiter memoremus. Habuerunt illi sacrificia, quibus Deum colerent honore summo, & soli illi debito. At nos etiam debemus Deum colere honore summo, & soli illi debito. Habuerunt denique illi sacrificia, ut Deum placarent, vel ab eo beneficia impetrarent, vel pro impetratis gratias agerent. Iisdem de causis & nos sacrificiis indigemus, immo quibus plura a Deo beneficia accepimus, eò magis ad sacrificandum obligamur. Quare rectè Petrus Cluniacensis scribit, haec qui sacrificium de Ecclesia tollere cupiunt, id tentare Diabolo suggeste, ut gens illa Deo præter ceteras sit ingratia quæ præter ceteras pluribus, & maioribus a Deo beneficiis ornata est.

QUARTO, recipsa Christiani retinent omnia alia genera honoris, & cultus, quibus Hebrei Deum colebant, numerum adorationem, inuocationem, votorum nuncupationem, hymnos, psalmos, cantica, dies festos, ieunia, elemosynas, & similia. Quis igitur sibi persuadere possit solum illud non honoris, quod est proprium Dei, nobis a Christo probatum esse, cum omnia alia sint ab eo permissa? præterea cum Christus nihil ardenter procurauerit, quam Dicioriam, & honorem?

Neque satisfaciunt, qui dicunt, cultum internum effensibiliorem externo: Christianos autem internum cultum debet præstare. Nam etsi internus cultus nobilior externo finit, tamen triplex: præstat internus cum externo coniunctus, siue internus cultus cum externa illius protestatione. Est autem figura & protestatio summi interni cultus, ipsum sacrificium, Augustinus saepè docet lib. 10. ciuit. Vnde tres pueri Daniel, & animo, inquiunt, contrito, & in spiritu humilitatis suspiraverunt; sicut in holocausto arrietum, & taurorum, & sic in missis libis agnorum pinguisum; sic fiat sacrificium nostrum in officio tuo hodie. Optant enim sancti pueri in captivitate regnum, ut internus eorum affectus sic Deo placeat, quemadmodum placeret si eum ostendere, & protestari possent, externorum sacrificiorum.

QVINTO, sacrificia non sunt primum in lege Mosis instituta, sed ex lege naturæ ortum habent, ut patet ex sacrificiis

Abel, Noë, Melchisedech, Iob, & aliorum: ergo etiam si Christus abrogare voluisse omnia instituta legis Mosaicæ, non tamen sacrificia omnino abrogare debuisset.

CAPUT XXII.

Probatur idem ex differentia Sacramenti, & sacrificij.

ERITA ratio ex differentia, quæ est inter Sacramentum & sacrificium, sumi potest. Nam commune est omnibus Sacramentis, ut ab alio dentur, ab alio accipiantur; neq; nullus sibi ipse Sacramentum administret. Ita videmus in Baptismo, aliisq; Sacramentis accidere; nemo enim se ipse baptizare sinitur, etiamsi extrema adsit necessitas. Pari ratione nemo se ipse confirmat, nemo se absolvit, nemo se sacris Ordinibus initiat, nemo se inungit. Eodem igitur modo si Eucharistia solummodo Sacramentum esset, nemo sibi eam ministrare posset; cuius tam contrarium semper fuit in ysu quod attinet adeos, qui Eucharistiam consecrant.

DE INDE, Sacraenta omnia in actione consistunt, non in re aliqua permanente, ut patet de Baptismo, & ceteris Sacramentis; non enim aqua consecrata, sed ablutio est Sacramentum Baptismi. Sola Eucharistia non in actione, sed in re permanente consistit, ut supra probatum est, cuius differentia vitalia ratio reddi potest, nisi quia Eucharistia non solum Sacramentum, sed etiam sacrificium esse debuit.

DENIQUE, nullum aliud Sacramentum continet re ipsa corpus Christi, sed solum sunt signa visibilia, continentia virtualiter gratiam sanctificationis: neque aliud requiritur ad operationem Sacraenta, cum Sacraenta nihil sint aliud, nisi instrumenta sanctificationis. Quare etiam Eucharistia possit verè, & propriè Sacramentum esse, etiamsi Christi corpus recipia non contineret. Quæ igitur causa est cur debuerit necessariò Eucharistia Christi corpus recipia continere, nisi posset verè, & propriè Deo Patri à nobis offerri, & proinde sacrificium esse verè, ac propriè dictum? Et sancè mirum est, cur Lutherani concedant, corpus Christi verè, & realiter presentes esse in Sacramento Eucharistiae, & simul admittant vimam esse omnium, quæ ynquam fuerunt, præstantissi-

mam